



Home > BERNART DE VENTADORN > EDIZIONE > Lonc temps a qu'eu no chantei mai > Tradizione manoscritta > CANZONIERE A > Edizione diplomatica

Edizione diplomatica

	Image not found https://letteraturaeuropea.let.uniroma1.it/?q=sites/default/files/styles/330px/public/A%20%282%29_22.jpg&itok=0TM_BfS7 Bernartz deuentedorn. Lonc temps a qieu non chantei mai. Ni saubi chaptenemen. Era non tem ploia ni uen. Tant sui intratz en cossire. Cum pogues bos motz assire. En est son cai apedit. Sitot nom uei flor ni fuoilla. Mieills mi uai qal temps florit. car la rens q(ue)u plus uuoill mi uol. Totz mi desconosc tant bem uai. E som saubes encui menten. Ni auses far mon ioi paruen. Del mieills del mon sui iau- zire. Esieu sai chantar ni rire. Tot mes p(er) lieis escarit. Ma dompna prec q(ue) ma cuoilla. Epoi tant ma enriqueit. No sia qui dona eque tol. El mon tant bon amic non ai. Fraire ni cosin ni paren. Q(ue) sim uai mon ioi enq(ue)- ren. Qinz emon cor nol nazire. Esieu mi uuoill escondire. No sen tenga per trazit. Non uuoill lausengiers mi toil- la. Samor nin leue tal crit. P(er) qieu mi lais morir de dol. Cab sol lo bel semblan qem fai. Qan pot ni aizes loil cossen. Ai tant de ioi que sol nom sen. Caissim torn emuolu em uire. Esai ben qan la remire. Canc hom bellazor no uit. Enom pot ren far qem duoilla. Amors qan nai lo chau-
---	---

	https://letteraturaeuropea.let.uniroma1.it/?q=sites/default/files/styles/330_px/public/A%20%283%29_18.jpg&itok=CxRCVa_L sit. Daitan cu(m) mars clau ni reuol. Lo cors a fresc sotil egai. Et anc non ui tant auinen. Pretz ebeutat ualor esen. A plus qieu non uos sai dire. Res debe non es adire. Ab sol caia tant dar- dit. Cuna nuoich lai ois despuoilla. Mi meset en luoc aizit. Em fezes del bratz latz al col. Si nomaizis lai on ill iai. Si qieu remir son bel cors gen. Doncs p(er) que ma faich denien. Ai las cum muor de desire. Uol mi doncs midonz aucire. Car lam oque lai faillit. Eran fassa so qeis uuoilla. Ma dompna al sieu chausit. Q(ue)u nomen plaing sitot me dol. Tant lam q(ue) ren dire noil sai. Mas ill sen prenda esgardamen. Qieu non ai dal- re pessamen. Mas cum li fos bos seruire. Esieu nai pena emartire. Era men tei(n)g p(er) garit. Mentre non sent mal qem doil- la. Si ma iois pres esazit. Non sai si soi aquel que sol. Decor ma coras si uuoilla. Ueus me del chantar garnit. Puois finamors mo asol.
--	---

- letto 427 volte